



ESPERANTO JE LA SERVO DE L' TUTMONDA PROLETARO

SENNACIO

OFICIALA ORGANO DE SENNACIECA ASOCIO TUTMONDA

REDAKTEJO: 14, avenue de Corbéra, Paris-12^e
Gvidanto: E. Lanty

SIDEJO de Ekzekutiva Komitato de SAT
23, rue Boyer, Paris-20^e

ADMINISTREJO: Colmstr. 1, Leipzig O 27
Administranto: R. Lerchner

RELIGIA MORALO

Mensogi estas malmorale, ĉu ne? — Do, rakontante al infanoj aferojn, je kiuj mem oni ne kredas — ekzemple pri religio — oni plenkonscie mensogas. Sed, rakontante al infanoj aferojn malprudentajn kaj pro religia timo malpermesante al ili demandi la kialojn, oni edukas kredmaŝinojn pretajn, kiuj aprobas ĉion, kion postulas de ili ŝtato kaj eklezio. Ĉar infano punita pro nekapableco percepti dogman sensencaĵon, certe evitas demandi, nekomprenante la natursciencan lecionon.

Dum la eklezia kunveno en Basel (Svisio), en la jaro 1439, la Franciskanoj sukcesis trudi al la kunvenintaro sian dogmon, ke la virga koncepto de Mario estu: "Pia dogmo, konforme al eklezia kulto, al katolika kredemo, al sana (!) prudento kaj al sankta skribo".

Tamen ĉi-decido tiutempe ne jam povis atingi laŭleĝan konfirmon; ĉar la Dominikanoj, — la popolo nomis ilin vulgare nur: "domini-canés" = hundoj de la sinjoro, — la plej fervoraj persekutantoj de la herezuloj, kontraŭis ĉi-decidon kaj ĉar la papoj ne jam kuraĝis intermalpaciĝi kun ĉi tiuj piaj spionoj. Inter tempe la Jezuitoj kaj Franciskanoj komencis la sekretan intrigadon ĉe ĉiuj katolikaj kortegoj, kiuj kaŭze de tio petis la papon, oficiale konfirmi la virgan koncepton de Mario. Singardeme la papo Gregoro XV-a respondis al Filipo III-a de Hispanio: "ke la eterna saĝeco ne jam estas senvualiginta al li la kernon de la sekreto". — Pius IX-a kunvokigis en la jaro 1854 la episkopojn en la vaticanon. La 8-an de decembro tie en la Petro-preĝejo estis prezentita al la kredemularo tre bone aranĝita spektaklo. Ornamita per triobla krono la

papo suriris la tronon, antaŭenpaŝis la dekanon de la sankta kolegio kaj petegis en la nomo de la tuta kristanaro dian verdikton pri la koncerna temo. Respondis la papo, ke li unue devus voki la sanktan spiriton, por povi esti kapabla permesi tiun peton. Do, estis citita la sankta di-spirito kaj ĵus kiam la "Veni Creator" estis kantita, la spiritcitado tiom efikis, ke la papo tuj povis prelegi la jam skribitan verdikton. La dogmo diras: "La sankta virgulino Mario de la unua momento de sia koncepto per la unika favoro kaj privilegio de la Ĉiopova kaj konsiderante la meritojn de Jezuo Kristo, la savanto de la homaro, estas liberigita kaj gardita kontraŭ ĉiuj heredepoj". Ĉi tiu dogmo estas senvualigita de dio mem kaj pro tio devas esti kredata de ĉiuj kredemuloj firme kaj konstante.

Devas esti kredata firme kaj konstante. Kiu ne faras tion, estas herezulo kaj pagu — kelke da SAT-akcioj. Sed infanoj devas ĝin kredi, ĉu helpe de bastono ĉu sen tiu.

En tia marĉo da prudento kripligita, kompreneble ĉia absurdaĵo povas prosperi.

Sed, ke oni ne kredu, ke la papo eble estas erarinta, oni oficialigis en la jaro 1870, do, meze en la civilizita 19-a jarcento, la senerarecon de la papo. Jam pli frue aliaj arogantaj papoj sin deklaris seneraraj kaj "alia dio surtera", kiu same ne eblas erari kiel la alia dio enĉiela. Pro tio la papo estis senerara en siaj "Ex-Kathedra"-eldiroj pro papa rajtigo.

La 13-an de julio 1870 okazis la voĉdono de la ĉefepiskopa kunsido en Romo. La 18-an de julio la dekreto estis oficiale publikigita en la Petropreĝejo en Romo

per la koncernaj ceremonioj. Por tiu celo la papo speciale estis aranĝinta por si pompan tronon antaŭ la orienta fenestro. Tie ŝidis la anstataŭanto de la malriĉa migremulo nazarena, ĝis piede envolvita en multekostaj juvelaĵoj, ke ili per la reflektado de la sunradioj briligu lian ĉielecon. Lin ĉirkaŭis kardinaloj, patriarkoj kaj episkopoj en ne malpli pompaj vestaĵoj, kiuj ankoraŭ ĉiam efikas je la amasoj.

Nur la leviĝanta suno ne kontentigis sian "sanktecon" kaj ĝi tute ne ekbriligis la fajron de la diamantoj kaj rubenoj, kvankam la papo jam frumatene okupis la orientan fenestron. La nebuloza mateno eĉ pli malheliĝis, ne estis eble, krei brilegantan diobelegecon. Ja, eĉ ne kapablis legi la "eta dio" ĉe la taglumo kaj li devis sendi iun por alportigi kandelojn; sed ĉar la vantulo eĉ ne povis legi ĉe kandela lumo, li komisiis kardinalon je tio. Tiu ankoraŭ ne multe estis leginta, kiam el la inkonigra ĉielo ekflagris brilega fulmo kaj aŭdiĝis konsterniga tondro en la nigrega mallumeco, ke la kardinalo timigite interrompis la legadon kaj alia kardinalo tremante ekleviĝis kriante: "Tio estas dia voĉo, kiu parolas per la tondro de Sinaj!"

Per tio la dekorado estis konservita, se ankoraŭ aliel kiel estis intencite. Sed depost la malsukcesinta opereto la papo estas senerara. Oni ĉi-lande imagas al si, ke ĉiujn etikajn kaj spiritajn bonecojn oni dankas al la kristaneco. Hospitaloj, ne nur por homoj, sed eĉ por bestoj, jam ekzistis en Hindio, antaŭ ol la nova testamento estis furioziginta la homon. Nervsanigejoj jam ekzistis antaŭ Mozeo, se estas permesate fiksi la tempon per uzo de mitaj figuroj.

La giganta fama biblioteko en Aleksandrio estis idolana verko kaj se ĝi ne estus forbruligita, hodiaŭ oni hontus, publike sin deklari ano de la kristaneco. Dum la Maŭroj en Hispanio instruis laŭ globoj geografion, la eklezio persekutis ankoraŭ la proklamantojn de la nuntempe sola percepto, ke la tero estas ronda globo. La kristaneco nur ĉiam konis reakcion, malhelpadon de la progreso, de la sciencaj rekonaj; dum jarcentoj ĝi nur okupiĝis pri la detruo de la spiritaĵoj de aliaj popoloj kaj rasoj.

Paperon, tipografion, skribon kaj multajn aliajn aferojn, ni dankas al la ĉinoj, hindoj, araboj, antikvaj egiptoj kaj babilonoj. Do la eklezio ĉion ĉi misuzis. Nenian uzeblan scion, nenan liberigan faron alportis la kristaneco. Nur kondamnado kaj stultigo estas la verkoj de la kristaneco. Reviviĝon, ĉieliron ili havas spite al la gravitado kaj mondpercepto, inferajn punojn kaj aliajn teruraĵojn. La kristaneco frenezigis pli da homoj, ol ĝi kapablis konstrui da frenezulejoj. Oni devigu kritiki orientulon pri la kristanaj nacioj: li certe timigite-malestime elmontros al ni, kian frenezulejon Eŭropo reprezentas en la okuloj de homo ĝuanta sanan menson. Nur vanteca imago kaj fiereco ne lasas vidi al ni, kiom ridindaj ni estas por aliaj rasoj — pli ridindaj, ol ŝajnis al ni iam ajn ĉinoj aŭ kafroj.

Ĉu la "feliĉiga evangelio", la subtenanta kolono de la kapitalismo, iam jam alportis al la popoloj en ia ajn afero ion utilan? Ĉu ekzistis antaŭe pli da malsanuloj, pli da ekspluatitoj, pli da mizeruloj, pli da forlasitoj, kiuj devis mortmalsati? Ĉu antaŭ la kristaneca epoko ekzistis pli da malsatantaj publikulinoj, ĉu pli da senskrupulaj monĉasantoj, ĉu pli da malzorgitaj infanoj kaj ĉu pli da friponoj ol en niaj milionurboj kun dekduoj da preĝejoj? —

Ĉu la sklavo en la antikva Romo aŭ Grekio ne estis gardita kaj sekurita, dum la hodiaŭa sklavo, la proleto, estas elliverata al la sorto senindulga? — Tre karakterize estas, ke ne nur bibliaj tekstoj estis menciitaj kiel pruviloj por la praveco de la sklavigado, sed ke la unua ŝipo, kiu fornaĝis de la angla bordo sub ordono de sinjoro John Hawkins, por aĉeti en Afriko "nigran eburon", t. e. nigrajn sklavojn por Okcidenta Hindio, portis ĝuste kiel nomon: "Jezuo".

La bigota, piaĉa hispana registaro dum la daŭro de du jarcentoj estis kontraktinta pli ol dek liverintertraktatojn rilate al la vendado de pli ol kvin milionoj da sklavoj en la nomo de la "sankta triunuo". Rezulte, el tio ĝi enkasis pli ol kvindek mil funtojn da imposto.

Sed tamen: Tiuj sklavoj kostis al la posedantoj monon kaj pro tio, kvazaŭ havaĵo, estis bone nutritaj kaj kontraŭ malsaniĝoj garditaj. Do, kiu hodiaŭ interesiĝas pri modernaj sklavoj, kiuj vivas en malsanigaj domoj kaj keloj, kiuj mizeras pro malsato kaj malpuraĵo kaj kiuj nur ĉiam devas naskadi naskigadi, nur, por ke la laborfortoj ne malpliĝu, sed ĉiam restu troaj kaj malmultekostaj? Ĉiarimede oni helpas, por ke unu la alian mortigu pro panpeco aŭ minimume forpuŝu, kaj por ke la riĉuloj ankoraŭ pli povu elsuĉi ilin.

La porko posedas sian akvuĵon kaj manĝujon; nur la homo devigata oferi sian laborforton, tute estas senŝirma kaj ekster la juro. Li ne rajtas vivi, li rajtas mortmalsati kaj neniun pro tio estas

akuzata aŭ vokata antaŭ la juĝistaro.

Kaj tion oni nomas "dionplaĉan ordon". —

Kiam la kristanaj bandoj estis forpelintaj la Maŭrojn alte-civilizitajn el Hispanio — depost tiu tempo forvelkis la alta kulturo de ĉi-lando — ili trovis inter aliaj aĵoj ankaŭ astronomian observejon en Sevilla. Ĉar la cerbaĵoj de frenezuloj ne estis rutinitaj por scii, kiamaniere utiligi tiajn komplikitajn instrumentojn, oni simple aliigis la observejon en — ne ridu — preĝeja sonorileja turo. — Kaj tiamaniere oni tute kristanec-karakterize servis al la scienco.

Otto Wolfgang.

El "Atheist", kajero 5-a, majo 1926,
esperantigis: Robert E. Biger.

EL ESTONIO

La vivo de Laboristaro en Tŭri kaj ĉirkaŭaĵo

Baldaŭ jubileos la registaro de Estonio la 10-an datrevenon de la respubliko. Kion oni povos konstati je tiu dato, ĉu progreson? Tion certigas la burĝaro ĉiutage. Sed tion oni povas neniel konstati, ĉar la vivo parolas alian lingvon. Necesas nur ekrigardi la ruinaĵojn de la fabrikoj, kiuj ripozas en sia mortdormo kaj kiujn la "tempodento" laŭ sia volo mordadas. ("Dvigatel", "Putri tehased", "Ilmarine" kaj aliaj pli malgrandaj —). Ĉi tiuj fabrikoj ne funkcias pro tio, ke mankas merkato.

La paperindustrio pli-malpli funkcias, ĉar ĝi havas la merkaton precipe en Sovetio.

En Tŭri estas paperfabriko, kie laboras proksimume 400 laboristoj.

La 1-an de novembro ekaperis ĉe la pordego de la fabriko afiŝo, ke la 15-an de novembro estos maldungataj 104 laboristoj! Tio — laŭ la burĝoj — estas leĝe kaj ĝentile farita: Nur du semajnojn antaŭ la maldungo estas anoncote, kaj — ĉio estas en ordo! Ĉiu laboristo devas nun serĉi por si novan laborlokon. Sed alia demando: — Ĉu ekzistas laboro? Bedaŭrinde nenie ĝi ekzistas.

Maldungotaj laboristoj rigardas en la vintron kaj vidas la minacantan mizeron, malsaton kaj malvarmon. Ĝis nun

oni povis iel nutri sin kaj la familio per la mizera salajro, sed nun...

La meza salajro estas en la paperfabriko 140 mk.¹⁾ tage. Kiu havas familion ricevas, krom la salajro, subvencion de la fabriko, por edzino 25 mk., por ĉiu neplenaĝa infano 15 mk., sed nur por tri infanoj kaj nur por tiuj tagoj, kiam laboristo laboris. La necesaj manĝaĵoj kostas jene: 400 gramojn da pano 8 mk., 400 gramojn da porkaĵo 45 mk., da butero 90—100 mk. kaj plu, 1¹/₆ litroj da lakto 16 mk. Plej malmultekosta somera vestaĵo kostas 4000 mk.

La maldungigon la administracio de fabriko motivigas per manko de laboro kaj per manko de merkato por papero.

En la ĉirkaŭaĵo estas aliaj malbonaĵoj. Tie laboristoj neniam vivis normale; ili tie ĉiam vegetis.

Sed nun trafados laboristojn alia malfeliĉo: nepagado de salajroj! Tiu nepago de salajroj jam fariĝis tradicia fakto. La juĝejoj traktas tion supraĵe. Sed kiam postulas iu banko aŭ riĉulo sian pruntedonon, tiam verdiktas la juĝisto laŭleĝe!

H. P.

¹⁾ dolaro = 375 mk. est.

Ĉu jam troviĝas en via esperanta libraro la unika verko, kiu ebligas komprenon de la homaj problemoj kaj historio, la *unua proleta atlaso*? Se ne, havigu al vi ĉi belan instruon verkon.

MALGRANDA TERBIBLIO

originale verkita en esperanto de Prof. D-ro FERD. SZERENYI.

ENHAVO: 11 grandaj landkartoj kaj multaj skemoj kun klariga kunteksto sur bonega papero.

Form.: 26×36 cm. Prezo: 1,80 g. m.

Havebla ĉe la Administracio de SAT, Colmstrasse 1, Leipzig-O-27 (Germanio)

Indiĝenaj moroj en Angola

(Portugala okcidenta Afriko)

(Daŭrigo unua)

LA "KIMBANDA" — EKSPERTO-MEDICINISTO

Ni jam sciigis, per antaŭa artikolo, kiamaniere la "kimbanda" plenumas sian plej gravan, almenaŭ sian plej oftan taskon: la "kuracadon" de siaj samgentuloj, ĉu per aplikado de determinataj plantoj, aŭ per uzado de primitivaj aŭ superstiĉaj rimedoj.

La indiĝenoj konsideras lin, kaj plej ofte li ankaŭ sin mem, kvazaŭ supera estaĵo ĉionscianta kaj neniam trompanta sin.

Bedaŭrinde tro ofte (kaj tio okazas ne nur ĉe negraj, sed ankaŭ ĉe l' plej blankaj kuracistoj) la malsanulo mortas. (Kiom ofte pro la rimedoj!)

La simplanima negro kredas, ke la morto ĉiam estas kaŭzata de fetiĉaĵo, de sorĉaĵo, per kiu aliulo celtrafis la mortinton, ĉu pro malbono, pro envio, aŭ pro ia alia kialo. Kompreneble, la "kimbanda" ankaŭ tion kredas aŭ simple kredigas.

La malsanulo mortis malgraŭ aŭ sen liaj zorgoj. Do, enmiksiĝis fetiĉo. Li ne sukcesis ĝin malkovri, sed li plencerte "sukcesas" malkovri la sorĉiginton.

Tiamaniere li almenaŭ iel kompensas la malsukceson de siaj kuracmetodoj kaj samtempe plenumas "justigan" rolon, ĉar, laŭ la indiĝenaj kodoj, la sorĉado estas punenda krimo.

Jen tamen per kia stulteca maniero li faras tion:

Kiam la kadavro jam kuŝas en la "tipója"¹⁾ la "kimbanda" demandas al la mortinto, kiu enfetiĉigis lin. La du kondukistoj tuj ekmoviĝas kaj kvazaŭ trenataj de la mortinto marŝas ĝis iu ajn (aŭ antaŭe celita) kabano, kies loĝanto estas tiam konsiderata, kiel la krimulo. La "kimbanda" lin nepardoneble kondamnas pagi monpunon, kioman postulos la familio de l' mortinto, aŭ ĝi estas fiksata laŭ la kutimo. Nur post tia "jurceremonio" la enterigo okazas.

Tiu kutimo estas ĝenerala ĉe ĉiuj indiĝenoj; nur la puno estas malsama laŭ gente.

Ĉe iuj, la akuzito pro "mortiga fetiĉo" estis kondamnita ffordoni al la familio de la mortinto ĉiujn siajn nevojn, aŭ, se li ne havis, determinatan nombron da sklavoj, por esti vendataj aŭ ... mangataj, se aĉetanto malestis. Ĉe aliaj la malfeliĉulo montrata, kiel krimulo, estis ankaŭ mortigata kaj, se ĉi-kondamno atingis edzinĝintan virinon, la edzon oni ankaŭ devigis ffordoni unu sklavon kaj unu porkon.

Nuntempe, verŝajne, tiuj barbaraj kutimoj estingiĝis, aŭ estas nur tre maloftaj: la imagata krimulo estas nun kondamnata ffordoni kelkajn bovojn aŭ porkojn, aŭ kelkajn metrojn da drapo.

Ĉe la indiĝena tribunalo, la rolo de la "kimbanda" estas ankaŭ tre grava, ĉar li juĝas superinstance, li tranĉas la gordian nodon de la aferoj.

- Kurioza estas la indiĝena tribunalo:

La juĝado estas publika kaj okazas en la "libata"¹⁾ de la akuzito. Ĝenerale ĉeestas ĉiuj loĝantoj de la "sanzala"²⁾ kaj de la proksimaj ceteraj "sanzala"-j, kiam la afero estas pli grava. Ili tamen ne enmiksiĝas je la diskutado kaj nur fajfas aŭ laŭtkrias, kiam la atestantoj sin kontraŭdiras, aŭ la partioj (akuzato aŭ akuzanto) sin montras falsdeklarintaj. Antaŭ la tribunalo la plendanto rajtas nur formuli sian plendon kaj la akuzato prezenti sian defendon. Ili ambaŭ estas subtenataj de "advokatoj", kiom ajn ili volas. Nur dank' al ĉi-lastaj la debatoj fariĝas viglaj.

La prezidaton de la tribunalo plenumas la "soba"³⁾ helpata de la konsilantaro de "Makota"-j aŭ "kilamba"-j⁴⁾.

La aferoj plej ofte juĝesplorataj de l' tribunalo estas adulto, fetiĉaĵo, ŝtelo, ŝuldoj kaj kalumnioj. La krimoj plej grave punindaj estas ŝtelo kaj sorĉaĵoj. Tamen la ŝtelo nur estas punata, kiam la ofendita persono devenas el la sama "soba"-regno, kiel la ŝtelisto. La ŝtelo al fremdulo estas nepunenda.

La juĝesploro en la tribunalo daŭras dum tagoj, semajnoj kaj eĉ monatoj kaj finfine la venkita partio estas kondamnata pagi la punon deciditan kaj la "kostojn" por la "soba" kaj "kilamba"-j.

Se la venkita partio ne konformiĝas al la decido, ĝi tamen rajtas apelacii al la tribunalo de l' "kimbanda", kiu decidas lastinstance. La "kimbanda", tiacele alvokata, iras al la koncerna "sanzala", aranĝas "kubata"-n⁵⁾ ekstere, meze de la kampo, kaj tie, ludante la "puta"-n kaj la "batuk"-ojn⁶⁾ alvokas la popolon por la rea juĝado. Je ĉi-ties fino la "kimbanda" decidas jenamaniere: El monujforma saketo ŝafidfela portanta du dividojn, li ĉerpas po unu plenkulero de du apartaj polvoj similaspektaj, ĵetas ilin en apartajn kruĉetojn enhavantaj akvon kaj senelekte transdonas la du miksaĵojn por trinki, unu al la plendinto

¹⁾ Kabanaro kaj grundo de unusola persono aŭ familio. (= Bieno.)

²⁾ Indiĝena vilaĝo. Aro de "libata"-j.

³⁾ Indiĝena reĝo, de kiu dependas unu aŭ pluraj sanzala"-j, kelkafoje eĉ tuta gento.

⁴⁾ Ministroj kaj asesoroj de "soba".

⁵⁾ Kabano. Indiĝena domaĉo konstruita per stangoj kovrataj de pajlo.

⁶⁾ Tamburspecaj bruaj muzikiloj.

kaj la ceteran al la akuzito. Unu el tiuj polvoj estas neofendiga; la alia estas "gundu-gundu" (speco el manihoto), tre aktiva veneno. Tiu, kiu trinkis la venenon "estas la krimulo".

Nuntempe oni tuj igas lin trinki la antidoton (kontraŭvenenon) kaj li estas kondamnata pagi la fiksitan punon, ĝenerale per mono aŭ brutaro; antaŭe oni lasis, ke li mortu kaj lia familio estis sklavigita.

Pli-malpli same, kiel ĉi-supre, la "kimbanda" agas ĉe ĉiuj indiĝenaj gentoj de Angola.

J. P. Barreira.



La polico de Dio

Anton Krenn, liberpensa lekcianto, antaŭe katolika pastro, estis kondamnita la 1-an de julio en la jaro 1927 ĉe la juĝejo en Innsbruck (Tirolio, Aŭstrio) al peza punlaboro en malliberejo por



unu monato pro sia lekcio, kiun li faris en jaro 1926. La jenaj frazoj de lia parolado estis fatalaj por li: "Kie estas la justa dio? Kie estas la kompatema dio? Estas tarifo por mesoj, baptitoj, edziĝoj, funebraj solenoj. La plej sankta afero estas impostata. La eklezio faras profiton el ĉio, kion ĝi instruas. Ne dio kreis la homojn, sed la homoj kreis dion. La religio estas knuto por la popolo, kaj la pastraro estas la polico." Pro tiaj diroj Krenn estis punita. Se la afero ne estus tiel serioza, oni povus ridi. Rea pruvo, ke la juro estas fidela servanto de la eklezio.

SENNACIULO estas malpermesita en Bulgario, Italio, Hungario, Litovio, Rumanio. En kelkaj aliaj landoj estas iom danĝere abonigi.

Ĉu la K-doĵ el la "liberaj" landoj ne forte konscios sian devon? Urgas kompensi tiun damaĝon per senlaca varbado de novaj abonantoj.

¹⁾ Kondukilo por personoj konsistanta el felo aŭ forta drapopeco, per du randoj pendanta el longa stango, kiu estas portata de du personoj sur la ŝultroj.

KIEL NI FESTIS NIAN JUBILEON

La 15-an de decembro nia ĵurnalo "Ruĝarmeana Vero" festis sian jubileon pro apero de la 2000-a numero de nia ĵurnalo.

Al tiu-ĉi tago la redakcio ricevis pli ol 100 diversajn salutleterojn: de ruĝ-armeaj taĉmentoj, de ruĝ-armeanoj-korespondantoj kaj redakcioj de mur-gazetoj, de 12 ruĝarmeaj kaj 6 laborist-aj presgazetoj, de Vic-Popolkomisaro por Ruĝarmeo K-do Unŝliff, de Centra Komitato de Blankrusia Kompartio ktp. Ankaŭ nin ne forgesis niaj eksterlandaj fratoj: per esperanto ni ricevis salut-leterojn de ruĝfrontbatalantoj de Okci-dent-Saksio (Leipzig) kaj de redakcioj: "Rote Fahne" (Wien, Aŭstrio), "Roter Soldat" (Wien), "Väst-Svenska Kurier-en" (Göteborg, Svedio) kaj "Sächsische Arbeiter-Zeitung" (Leipzig).

La jubilea numero de la ĵurnalo aperis duoble pli granda: 8 paĝoj anstataŭ la kutimaj 4 paĝoj (eksterlandajn K-dojn ne mirigu nia sovetia sistemo havi mal-grandajn malmultpaĝajn ĵurnalojn).

La 15-an de decembro vespere en Smolenska Domo de Ruĝa Armeo okazis solena jubilea kunveno de loka garni-zono, kiun ĉeestis pli ol 500 ruĝarmean-oj. Al ĉiuj ĉeestanto la redakcio donacis senpage po 1 ekzemplero de la jubilea numero.

Post raporto kaj salutparoladoj Vic-estro de la Blankrusia Militregiono donacis honorajn poŝhorloĝojn kun

saluturskribo al la plej malnovaj labor-antoj de la gazeto: kunlaborantoj de redakcio K-do Krasnopolskij kaj Nikol-skii (ambaŭ SAT-anoj), kompostistoj K-do Nikifirov kaj Morozov, ekspedanto K-do Moŝĉerjakov kaj maŝinskribistino K-dino Sobenevskaja. Poste okazis lum-bildgazeto kaj kinoprezentado.

La 16-an okazis kamaradeca vespero, vespermanĝo kaj orkestro-ludado, kiun partoprenis ĉ. 100 Gek-doĵ. Denove sekvis paroladoj, salutoj...

Jen kion ekzemple diris unu el la ruĝ-armeanoj (ĝenerale salutis 12 ruĝarme-anoj) en la nomo de 11 000 ruĝarmeanoj-korespondantoj, skribantaj en nia milit-regiono:

— "Ruĝarmeana Vero" estas la plej ŝatata de ni ĵurnalo. En ĝi ni trovas ĉion, kio interesas kaj allogas la ruĝarme-anojn. De la unua horo ĝis la lasta, kiam ni troviĝas en Ruĝarmeo. "Ruĝarmeana Vero" estas nia amiko kaj helpanto, in-struisto de militarto kaj politika gvid-anto.

Kaj responde laboristoj kaj kunlabor-antoj de la ĵurnalo unuvoĉe akceptis re-zolucion, en kiu ili solene promesas:

— "Novaj miloj da ekzempleroj de nia ĵurnalo estos la kugloj, per kiuj ni tra-pafos la koron de mondkapitalismo, kaj brikoj por konstruo de forta laborista armeo.

Smolensk, Sovetio.

RO—NO.

TAGO EL MIA VIVO

Mi estas kamparanino, 23-jara, loĝ-anta en kolonio Dolinskaja apud la granda samnoma fervoja stacio en Ukrainio. Ĉirkaŭe tra centoj da kilo-metroj etendiĝas senfina ebena huma stepo. Nek arbareton, nek rivereton vi trovos sur tiu ĉi ebenaĵo, kiu tamen per siaj abundaj rikoltoj de tritiko nutras



ne nur lokan loĝ-antaron, sed preskaŭ la duonon de Sovetio. Kaj en tiu ĉi loko, nenien forveturante, mi pasigis tutan mian vivon en mia familio, kiu konsistas el mal-juna patro, patrino kaj 13-jara frato. Ven-is julio — la tempo de la plej intensa la-boro sur kamparo, kies rezultojn ni util-igos dum la vintro.

Jam je la 4-a matene, rapide ellitiĝinte, mi tuj kuras la korton por nutri kaj trinki la ĉevalojn kaj prepari ĉion ne-cesan por la dumtaga laboro.

Kaj jen la patro kaj mi forveturas la kamparon por resti tie ĝis la vespero. Estas facile kaj ĝoje labori sur kamparo dum fruaj matenaj horoj, kiam freŝig-anta venteto karesas la bruston de la tero kaj en la koro disfloras revoj. La laboro daŭras ĝis la naŭa, poste mal-longa interrompo — matenmanĝo, kaj denove laboro ĝis la tagmezo.

Post la tagmanĝo la laboro fariĝas

Patriotismo — Internaciismo — Sennaciismo

(Daŭrigo dekkvina)

Dum la daŭro de kelkaj jarcentoj, Romo malrapide sed konstante plilarĝ-igis sian agadkampon; ĝi trudis sian regadon al senĉese pligrandiganta nom-brŭ da popoloj; ĝi ankaŭ konstruadis vojojn, pontojn, akvokondukojn. La komunikoj inter la diversaj konkeritaj popoloj fariĝis pli regulaj kaj pli oftaj. Ĉesis la militoj inter la civitoj. Grand-skala komercado mara kaj tera kreiĝis kaj interligis okcidenton kaj orienton...

La unuaj Sennacianoj

La ekonomia neceseco postulis tian senĉesan plilarĝigon kaj Romo estis helpata en tio per la fakto, ke en la civitoj de Grekio kaj Italio la bataloj inter la klasoj iom post iom detruis la hejman patriotismon. La malnovaj reli-giaj kredoj konstante perdis influon. La hejmaj dioj ne plu estis adorataj kun la sama fervoro kiel dum la primitiva epoko. Pro kutimo oni ja daŭrigis kulti al tiuj malnoviĝintaj diaĵoj, sed vera kredo forestis. Laŭgrade kiel plilarĝiĝis kaj oftigis la rilatoj inter la diversaj po-poloj, foriĝis la malnova ideologio. Vera

revolucio intelekta okazis. Filozofio aperis kaj enkondukis la arton rezonadi racie. Kelkaj spiritoj konceptis la ideon pri ekzisto de nur unu sola dio. Eĉ la materialismo havis tiuepoke adeptojn en la persono de Demokrito, de Epikuro, de Lukrecio kaj de aliaj malpli famaj pensuloj.

Tiu idea aliĝo okazis unue en Grekio. Tie la indiferenteco pri patriotismo est-is jam sufiĉe disvastiĝinta, kiam enven-is la romanoj. Unue Pitagoro malatent-is la civitan religion kaj havis pli mal-pli klaran ideon pri iu dio-reganto de la universo. Anaksagoro ne plenumis siajn civitajn devojn kaj rifuzis akcepti ofi-cialajn postenojn. Pro tio la ateneanoj kondamnis lin je morto.

Poste la sofistoj aŭ retorikoj, inter kiuj la plej famaj estis Protagoro, Gorgo kaj Prodiko el Keoso, senkompate batalis kontraŭ la antaŭjuĝoj. Ili sentime es-ploris kaj kritikis la leĝojn, kiuj regis ankoraŭ la familion kaj la ŝtaton. Oni akuzis ilin pri senmoraliteco kaj sen-patriotismo. Verdire ili ne havis difinit-an doktrinon kaj celis ĉefe instrui la arton rezonadi logike; ili direktis la sa-ĝojn de sia spriteco kaj elokventeco kon-traŭ la tradicion. Vane la ateneanoj for-pelis Protagoron kaj bruligis liajn skrib-

aĵojn; la instruado de la sofistoj estis multefika. Forfalis la malnovaj kredoj kaj estiĝis liberpensado.

Sokrato ankaŭ malakceptis la tradi-ciajn leĝojn kaj argumentis, ke la kon-dutreguloj estas gravuritaj en la kon-scienco de l'homo. Li instruis, ke la principo de la devo kuŝas en la animo de l'homo. Kvankam li daŭrigis ĉeesti la religiajn festojn kaj partoprenis la oferojn, li tamen estis akuzita pri sen-religieco kaj kondamnita trinki cikuton. Li do pereis pro siaj atakoj kontraŭ la malnova tradicio. Tamen venkis la nov-aj ideoj. La greka socio ĉiam pliliberiĝ-is el la malnovaj kredoj kaj institucioj.

Post la morto de Sokrato, la filozofoj tute libere diskutadis pri la principoj kaj reguloj de la homa socio. Plato proklamis, kiel la sofistoj kaj Sokrato, ke la reguloj de moralo kaj politiko kuŝ-as en la racio, ke la tradicio estas ne-nio kaj ke la leĝoj estas justaj nur se ili estas raciaj. Aristotelo pli precize diris: "La leĝo, ĝi estas la racio". Li malkonfesis la religian originon de la homa socio kaj instruis, ke la ŝtato dev-as esti asocio de egaluloj, kiuj celas sen-penan kaj feliĉan ekzistadon.

Kaj fine la cinikula skolo malkonfesis ĉian patrimon. Diogeno sin gloris pro tio,

jam pli laciga. Varmega julia suno bruligas nin senkompate, turmentas la soifo kaj abunda ŝvito fluetas tra la korpo. Malestas lageto aŭ ia alia akvejo, en kiu oni povus sin freŝigi. Sed jen alproksimiĝas krepusko kaj ni revenas hejmen. Eble, la leganto ekpensos, ke mia labortago jam finiĝis. Tute ne. Mi havas ankoraŭ sufiĉe da devoj. Jen oni devas kuri al partia kunsido aŭ al virina organizo, jen partopreni komjunularan kunvenon, viziti "la domon de kamparanoj." Kun ĉi domo estas kunligitaj miaj plej agrablaj rememoroj. Dum la vintro de l'jaro 1925/26 mi partoprenis tie esperantistan rondeton kaj finis la kurson de esperanto. De tiu tempo mi legas "S-ulon" kaj tiamaniere mi estas altirita al internacia laborista movado kaj havas eblecon senpere konatiĝi kun la vivo de miaj alilandaj Gek-doj. Kun kelkaj el ili mi starigis eĉ pli proksimajn kamaradecajn interrilatojn per korespondado.

En la domo de kamparano krom la esperantista ekzistas ankaŭ kelkaj aliaj rondetoj: kooperativa, pafada, flora, dram-amatora, ktp.

Nuntempe mi vizitas la pafadan rondeton, en kiu la okupoj okazas ĉiudimanĉe, kaj dram-amatoran rondeton, sed partopreni je spektakloj pro manko da libera tempo dum somero, mi povas tre malofte. Kiam la vespero estas tute libera, kunvenas kelkaj geamikoj ĉe mi kaj kune ni iras promeni sur bulvardon apud fervoja stacio, kie ludas la muziko, aŭ vizitas la fervojan klubon, en kiu estas demonstraciataj lumbildoj.

E. Nesvitajlo (7100).

ke nenie li havis civitanan rajton. Krateso diris, ke lia patrio konsistis el la malŝato, kiun li havas por la opinio de ceteraj individuoj. La cinikuloj instruis, ke la homo estas civitano de la universo, ke la patrio tute ne estas la mallarĝa urblimo. Ili konsideris la civitan patriotismon kiel nepre forigendan antaŭjuĝon.

Zenono kaj liaj disĉiploj ankaŭ instruis, ke ĉiuj homoj devas sin konsideri kiel samregnanoj. Per tio, ke ili plilarĝigis la homan socion, la stoikuloj emancipis la individuon. Same kiel ili malakceptis la civitan religion, ili ankaŭ rifuzis konsenti pri ia ajn civitana servuteco. La homo ne devas esti oferata al la ŝtato. Ekzistas aliaj devoj ol tiuj al la ŝtato. Zenono proklamis, ke la homo havas per si mem dignecon, ke la pleja devoto ne estas morti por la ŝtato, sed virte vivi.

Tiaj estis la ideoj en Grekio du jarcentojn a. K. La civita religio, t. e. la patriotismo estingiĝis. La ĝenerala spiritostato alcelis unuecon kaj tio klarigas kial la grekoj ne havis por Romo malamon. Male ili admiris la grandan civiton; ili starigis al ĝi templojn kiel al ia diaĵo. Urboj forgesis sian civitanan religion kaj anstataŭe adoris la diinon Romon kaj la dion Cezaron. Ĉiu homo

★ DIVERSAĴOJ ★

2796 parolataj lingvoj

Ni opinias, ke la plej multaj homoj ne scias, kiom da lingvoj estas parolataj en la tuta mondo. Por informi niajn K-dojn, kiom granda estas la "turo de Babelo" ni simple citu fakton per malgranda statistiko. Laŭ la geografiaj kaj etnografiaj scioj de la statistikuloj ŝancelas tiuj ciferoj, ĉar la graveco de la unuopaj idiomoj estas diverse enordigitaj. Laŭ la kalkulado, kiun oni objektive valorigas, ekzistas nun 2796 parolataj lingvoj. — La 860 ĉefaj lingvoj dividiĝas jene: Eŭropo 48, Azio 153, Afriko 118, Nord- kaj Sud-Afriko kune 424, Oceanio 117. — Ni, esperantistoj, jam solvis tiun grandan prilingvan problemon, necesas nur, ke la homoj lernu kaj uzu tiun ilon: esperanto!

Rolo.

Jam ili ridis....

Kiam en la jaro 1791 la fama fizikisto Galvani demonstris sian eltrovon, la elektran fluon, per eksperimento je ranaj femuroj, ĉiuj ĉeestantaj instruituloj ridegis dum la parolado de Galvani. Oni nomis lin de nun "Danc-instruisto por ranoj"! Same oni malpermesis al li, publike paroladi pri sia eltrovo "galvana fluo elektra". Kiam Franklin, la inventinto de la fulm-kondukilo (fulm-ŝirmilo), paroladis pri sia inventaĵo, antaŭ granda aro de instruituloj kaj sciencistoj en London, ... ĉiuj ĉeestantoj ridegis. Eĉ oni malpermesis al li, *presigi* sian paroladon!

En j. 1887 multaj miloj da homoj priridis ankaŭ esperanton. Ĉu nuntempe oni ankoraŭ ridas pri mondhelplingvo?! (1851.)

klopodis fariĝi Roma civitano. Unuj akiris tiun rajton per mono aŭ per bonaj servoj al la imperiestro. Kiu fariĝis Roma civitano, tiu ne plu apartenis politike al sia naskiĝa urbo. Li ne plu dependis de ĝiaj leĝoj.

Post kiam deko da generacioj sopiris al la akiro de la Roma civitaneco, estis eldonata dekreto, kiu donis tiun titolon al ĉiuj liberaj homoj. Nur la sklavoj ne povis profiti je tiu privilegio. Tiam de la rivero Eŭfrato ĝis Hispanio, de Britio ĝis Sahara, ekzistis nur unu sama popolo, nur unu sola ŝtato. Ĉiuj malgrandaj patrioj iom post iom estis malaperintaj.

(Pluo sekvos.) E. Lanty.

E. IZGUR

NUR VOLU!

La festo de laboro kaj paco
Unuamaja kanto de ribelo

Eldono dua, reviziita kaj ilustrita

Prezo: 0,70 mk. g.

Mendu ĉe Administracio de SAT
Rich. Lerchner, Leipzig O 27
Colmstr. 1 (Germ.)

Por nia Distro

En elegantan Berlinan kafejon eniris laboristo en laborvestoj kaj sidiĝis ĉe tablo, kie sidas kelkaj nobeluloj. Tiuj multe indigniĝas pri la "proleto" kaj fine iu alparolis lin: "Pardonu, ni estas aristokratoj..." "Sed tio tute ne ĝenas min", respondis serene la laboristo, "se vi dece kondutas, vi povas trankvile resti sidantaj ĉi tie!"

* * *

En buĉistvendejon, kie estis kelkaj aĉetemaj laboristoj, subite eniris oficiro kaj tuj alparolis la buĉiston: "Sinjor buĉisto, donu al mi tuj kvaronfunton da laborista kolbaso por mia hundo". "Ne", kriis unu el la laboristoj, "unue donu al mi, ĉar mi estas je la vico. Mi nur volas kvaronfunton da oficira kolbaso por mia porko!" (En Germanio aĉa speco de kolbaso estas nomata "laborista kolbaso".)

*

Senlaboruloj interparolas:

"He, Kuĉjo, se estus vera la proverbo «tempo estas mono», kiom riĉegaj ni estus!" (3018.)

Al la Abonantoj de "Sennacieca Revuo"!

Jen bona okazo por riproĉi al la Gvidantaro de SAT. Kvankam ĝi promesis, ĉe la lasta kongreso, ke la aperado de "SR" fariĝos regula, ni tamen devas sciigi, ke la redaktoro de la scienca serio ne sukcesis liveri al la presejo la materialon por la januara n-o. Diversaj neantaŭviditaj laboroj kaj klopodoj malebligis, ke li plenumu sian redaktoran taskon.

Kaj estas al ni ankoraŭ pli riproĉinde (?), ke la karto per kiu K-do Demidjuk, sciigis, ke ni klopodu por anstataŭi lin en la pretigado de tiu kajero, perdiĝis survoje. Tro malfrue ni do eksciis flanke de nia Administranto, ke ne alvenis el Moskvo la manuskriptoj por la januara n-o de "SR".

Tial ni bedaŭre devas informi la abonantojn — ke la venonta scienca kajero estas *duobla*...

Al la legantoj!

Pro cirkonstancoj tute sendependaj de mia volo, ne aperas en ĉi semajna n-o de "S-ulo" la daŭrigo de mia raporto pri Sovetio. La interesiĝantoj paciencu ĝis venonta semajno, kaj dume korektu la prezerarojn, kiuj svarmas¹⁾ en la parto de miaj impresoj enpresita en n-o 172.

Paĝo 127, dua kolono, ĉapitro "Ekonomia Situacio", linio 18, legu: Ĝi komprenebligas, kial *nerevoluciuloj* (anstataŭ ni revoluciuloj). — Tria kolono, salajra ŝtuparo, 11-a ŝtupo, legu: laborestroj (anstataŭ laboristoj). — Tria kolono, dua piednoto, lasta linio, legu: 225 rublojn (anstataŭ 228 rubloj). G. Salan.

¹⁾ Pri tiu svarmado kulpa estas la aŭtoro mem, kiu skribas nelegeble. — Red.

SENNACIULA SPORTA PAĜO

Kompilanto: Ad. Wendt, Leipzig O 27, Lange Reihe 11-a (Germ.)

Vekiĝu!

Jam plurfoje ni alvokis en la linioj de nia "Sporta Paĝo" al kunlaboro en pri-sportaj demandoj. Certe jam estas konstateblaj kelkaj sukcesoj, tamen tiuj ne ekvilibras kun la rapideco per kiu nia ideo, dank' al la subteno de kelkaj gvid-antaj K-doĵ el la sportmovado, nun eniras la praktikan vivon de la laboristsporto. Ni nur atentigas pri la agado de la Socialista Sport-Internacio Laborista, kiu depost septembro regule aperigas sian presservan materialon en esperanto. Multaj K-doĵ jam nun en sindonema laboro utiligas al si kaj al nia SAT-movado ĉi tiun entreprenon. Rekom-pence SSIL nun ankaŭ aktive subtenas nian movadon per akcepto de por-esp-aj artikoloj en sia faka gazetararo. Sekve de tio en multaj landoj jam estas konstatebla vigliĝo de la intereso por nia lingvo en sportaj rondoj. El tio tamen nun ankaŭ rezultiĝas la devo, ankoraŭ pli streĉi niajn fortojn. Do ni denove alvokas: Kunlaboru al "Sporta Paĝo de S-ulo". Sendu ankaŭ raportojn por la presservo de SSIL kaj anoncu vin kiel peranto por la via-landa gazetararo laborista. (25/18.)

Sporta Frenezeco de Eŭropa Burĝaro

(El interparolo kun A. V. Lunaĉarskij).

Popolkomisaro por klerigo — A. V. Lunaĉarskij, al kiu ni turnis nin kun la peto, diri al ni siajn impresojn pri la sporto en Okcidenta Eŭropo, notas antaŭ ĉio, ke kune kun Ameriko kaj Anglio la sporto lastatempe okupis gravan lokon en la landoj de la eŭropa kontinento. La burĝa sporto emas al jenaj karakterizaj, iufoje kriplaj trajtoj: La burĝa sporto havas antaŭ ĉio akre esprimatan klasan karakteron, kiu estas diktata pro la deziro krei pli fortajn, pli rapidajn, pli energiajn kaj pli scipovajn homojn por venonta socia batalo. Krom tio ĝin karakterizas treege kriemaj kaj komercem-

aj delogoj al rekordoj. Kiam temas pri tielnomataj mondaj rekordoj, la burĝaro elmontras ridindan aspekton, ĝi pagas grandegajn monsumojn kaj donas ateston pri morala mizereco. Unu homo disbatas al alia homo la vizaĝon, kaj ĉi fakto eklipsas la plej grandajn sciencajn eltrovojn, ŝanĝojn de ministerioj, naciajn kongresojn ktp. ... Sed la honorario, ricevata de vizaĝdisbatintoj kaj venkitoj, superas 50-oble la perlaboron de honesta kaj talenta kuracisto aŭ agronomo.

sinpreparon al la milita defendo. Mi opinias, ke la ideoj kaj taskoj de Ruĝa Sportinternacio estas ĝustaj. Ili akcelas disvolviĝon de memstara laborista sporto en la tuta mondo.

(El Korpokulturo kaj Sporto — Moskvo)
Trad. A. Lebedev. Tver.

* * *

Tre trafe K-do Lunaĉarskij pritraktas la ideologion laŭ kiu estas regata la

sporto inter la burĝaro de l' tuta mondo, Tamen ni ankaŭ ne forgesu atentigi pri grava danĝero, kiun kreas tiuj rondoj. Ili estas laŭŝajne neŭtralaj rilate al politikaj aferoj. Verdire tia neŭtraleco nur estas narkotilo servanta al sendolora inokulo de la veneno de naciismo kaj militismo. For la neŭtralismon ankaŭ sur tiu ĉi kampo. Eksiĝu el la burĝa sportmovado, fondu proprajn laboristajn sportunuigojn, unuvorte: al-



Skisalto ĉe vintra sportfesto de la laboristaj sportuloj en Johann-Georgenstadt (Germanio).

Fine krom forlogo al rekordoj, la burĝaro donas al sporto tute neproporcie gravan lokon meze de aliaj aperoj de l' vivo. Ekzemple, en multaj amerikaj universitatoj ekzistas, kreitaj de amerikaj milionuloj kaj miliarduloj, mirindaj, laŭ sia grandeco kaj riĉeco, sportaj kluboj, placoj ktp. ... Kaj apude kun tio iufoje la plej gravaj sciencaj laboratorioj estas aranĝitaj kun ridinda por Ameriko avar-eco.

Nia sporto devas konsideri ĉi mankojn kaj eviti ilin. Al penegoj de burĝaro ni devas kontraŭstarigi korpokulturan sinpreparon de laboristoj. Portante antaŭ ĉio utiligan karakteron, t. e. celante korpokulturan disvolviĝon de masoj, sovetia korpokulturo devas allasi ankaŭ konkurencon, kiom ĝi kunportas la vivon en sporta afero, sed nenioakaze forgesi ĉi tie mezuron. La sporto ne devas eklipsi la pli gravajn por ni taskojn de l' socia, politika kaj teknika kulturkresko.

Mi opinias — diris K-do Lunaĉarskij, ke por ni estas ankaŭ grave kombini sportan

iĝu al la laborista sportmovado!

Ciferoj el la laborista sportmovado

Sportspecoj, praktikataj en la asocioj de la SSIL

Laŭ raporto, farita de la sekretario de SSIL al la kunsido de la Internacia Oficejo, la sporta vivo en SSIL estas jena: Entute el 24 landoj apartenas societoj al SSIL. Gimnastiko estas praktikata en 19 landoj, sportludoj en 13, dromsporto en 17, pezatletiko en 13, ciklado en 8, piedpilko en 19, teniso en 4, akvosporto en 14, vintrosporto en 10, militsporto en 3, hokeo en 2, radio en 2, flugsporto en 1, pafado en 2, migrado kaj turismo en 8, ĝiu-ĝicu en 1, sanigula servo estas en 3 landoj, socialista junularo en 3, boksado en 3, fiŝkaptado en 1 kaj nudkulturo en 1 lando. Gimnastiko, dromsporto kaj piedpilko do estas la ĝenerale plej disvastigataj sportspecoj.

TRA ESPERANTIO

La fuŝistoj de la mondlingvo

Ili estas multaj kaj diversspecaj. Hodiaŭ ni parolu nur pri unu speco: la idista.

Ĉiu el ni sendube havis la okazon aŭdi K-dojn-idistojn paroli kun fanatika konvinko kaj aplombo pri la supereco de la lingvo "di la Delegitaro" kompare kun nia "arhaika" esperanto. Per ŝajne sciencaj argumentoj ili "pruvigis", ke ido estas la definitiva solvo de la mondlingva problemo. Sekve ĉiuj nefanatikaj esperantistoj devus pli malpli frue nepre aliĝi al la ida movado.

Nu, kio okazis? Siatempe (antaŭ eble du jaroj) ni sciigis en "S-ulo", ke Vienaj idistoj, organizintoj de la unua ido-kongreso, transiris al la nova projekto de lingvo nomita *occidental*. Tio estis la unua fendo. De tiu tempo konstanta krizo regis en la idistaj rondoj. Kaj jen en la januara numero de *Kosmoglotto*, bone konataj gvidantoj de la franca idistaro sciigas, ke ili ankaŭ forlasas idon kaj aliĝas al *occidental*.

La samaj homoj, kiuj asertis, ke ido ne estas superebla, ke ĝi estas la scienca solvo de la problemo ktp. hodiaŭ diras la samon pri la nova projekto de lingvo. Ĉu tio ne pravas klare, ke tiaj "mondlingvanoj" estas blindaj? Ili ĉagrene konstatis, ke ido neprosperas, ke ĝi tute ne povas forpuŝi esperanton. Anstataŭ tiri el tiu konstato logikan konsekvencon, t.e. ke nia movado jam havas profundajn radikojn en la vivo, ke ĝi sekve estas nedetruibla, ili kulpigis sian propran lingvon kaj alprenis novan — pli bonan! — sendube definitivantan!?!...

Kompatinduloj! Ne necesas funde lerni tiun novan elpensadon por akiri la konvinkon, ke ĝi estas... eĉ pli malbona ol ido. Almenaŭ estas tute certe, ke neniam la orientanoj akceptos tiun komplikitan okcidentaĵon.

La idistoj sin montris kiel majstrofuŝistoj en la mondlingva movado. Per blufado, per mensogoj kaj kelkfoje per aliaj malhonestaj rimedoj ili provis detrui la esperantan movadon. Ili nur sukcesis malrapidigi nian antaŭeniradon. Ili prokrastigis la ĝeneralan uzadon de esperanto. Sendube la okcidentalistoj provos fari la samon...

La likvidiĝo de l'idista movado almenaŭ firmigas nin en la konvinko, ke ni paŝas sur la ĝusta vojo. Ni daŭrigu senlace, nin apogante sur nia firma Zamenhofa Fundamento; ĉiufake ni apliku nian vivantan lingvon — kaj traktu kiel decas la fuŝistojn de la mondlingvo.

E. L.

El la Administrejo

Al la membroj kaj abonantoj en Sovetio

Niaj oficialaj SAT-agentoj estas:

1. CK de SEU, Poŝtkesto, 630, Moskvo.
2. "Esperanto", Kremenčug, Ukrainio.
3. D. Snejko, Poŝtkesto, 33, Minsk, Blankrusio.

La unua estas nia ĉefagentejo, la aliaj du estas helpagentejoj. "Esperanto", Kremenčug zorgas pro la suda parto de Sovetio kaj Minsk por Blankrusio. Tiele ni sensarĝis nian ĉefagentejon en Moskvo, ĉar K-do Demidjuk jam daŭre ĝemis sub la ŝarĝo de la laboro. Al tiuj agentejoj oni sendu ĉion, kio rilatas al la SAT-administrejo. Artikolojn por la redakcio oni sendu rekte al Paris. Kiel agu niaj klientoj? Ili sendu rekte la monon al iu de nia agentejo, koncize indikas la celon de la pago. Aliĝilojn kaj informon vi sendu al Leipzig. Per tiu procedo vi plirapidigas la sendon de viaj menditaĵoj. Kompreneble tion vi povas fari laŭ via plaĉo. K-do, kiuj ne ŝatas aparte skribi al Leipzig, povas ankaŭ transsendi la monon kun la necesa informo al niaj agentejoj. *Tre necese estas, ke ĉiam la pagita sumo koincidu kun la sciigita sumo*, aliel okazas miskompreno.

Mendojn al libroj kaj gazetoj, kiuj ne aperis aŭ aperas en nia *eldonejo* ni nur plenumas post sciigo aŭ monricevo flanke de niaj agentejoj. Aparte ni atentigas la mendantojn al fremdaj libroj, ke ili ne forgesu aldoni 10 % por la sendkosto. — Same ni atentigas kelkajn K-dojn, kiuj ofte petas la SAT-administrejon per mendojn al iuj personoj aŭ societoj, ke oni aldonu 5 % pli de la pagota sumo, aliel ni devas rifuzi tiujn transpagojn. Ni ne emas, ke SAT pagu tiujn kostojn.

Ĉe demandoj al Adm. de SAT ĉiam aldonu, ĉu viajn resp. kartojn, ĉu poŝtmarkojn. Aliel ne miru, se vi ne ricevos respondon.

Ofte K-dojn mendas pli grandan kvanton da libroj aŭ poŝtkartoj, kaj poste ili miras, se ni sendas tiujn librojn en kelkaj malgrandaj paketoj. Ja volonte ni sendus grandajn paketojn, sed ne eblas. Inter viaj doganoficistoj estas burokratoj, kiuj obeas la literon kaj resendas niajn paketojn. La aspekto de tiuj revenintaj paketoj estas ofte terura. Niaj K-do, ĉiel devas klarigi al tiuj doganistoj kaj ĉefe en Ukrainio, ke oni senĝene tralasas *niajn librojn* ankaŭ plurekzemplere. Ĉar ja estus malinda ago, se proleta *ŝtato malhelpus* proletan organizon.

Ĉiu ero da energio, ĉiu centimo donita al la neŭtrala esperanta movado signifas ioman perfidon al la laborista!

Internaciaj respondkuponoj

Per tio ni avertas niajn K-dojn, ĉefe en Aŭstrio, ne pagi per internaciaj respondkuponoj. Per tiu ago vi nur multekostigas la tutan aferon. Se temas pri tute malgrandaj sumetoj oni povas konsenti, sed ĉe grandaj ne. Vi devas konsideri, ke ni nur ricevas po respondkuponon la ekvivalenton de 0,25 mk. g. t. e. la afrankvaloron de eksterlanda letero.

Adm.

8-a Kongreso de SAT en Göteborg (Svedio)

(14—19. aŭgusto 1928)

Cion, kio rilatas al la kongreso adresu al: Einar Adamson, Box 73, Göteborg, Svedio.

4-a Komunikio

La urbo subvencias. La kongresa komitato petis la urban konsilantaron pri subvencio de 2000 sv. kr. Ĉe la plenkunsido de urbestro de Göteborg la 12-an de januaro, konservativulo, lektoro de angla lingvo kontraŭparolis la proponon. Post diskutado inter li kaj K-do Adamson la urbkonsilantaro voĉdonis 32 voĉoj por subteno kaj 17 kontraŭ. Ĉiuj socialdemokratoj, komunistoj kaj liberaluloj voĉdonis por kaj ankaŭ unu burĝa konsilanto. Ili argumentis sian subtenon per la motivigo, ke estis reprezentada demando. Do, la kongresa komitato por diversaj elspezoj ricevas 2000 sv. kr. de la urbo Göteborg. Tiu subteno certe multe helpas nin malaltigi la kostojn por la vizitantoj.

Studenta fakkunsido okazos dum la 8-a SAT-kongreso. Studentoj, kiuj partoprenos, interrilatu kun K-do Dim. Snejko, poŝtkesto 33, Minsk, Sovetio.

Fakkunsido de metalistoj okazos. La metala sindikato de Göteborg gvidos kaj organizos fakkunsidon de metalistoj; kiu partoprenos interrilatu kun K-do metalisto Anton Norling, Gamlestadsvägen 5—7, Göteborg.

La 2-a listo de aliĝintoj

33. K-do Ernst Eriksson, Stockholm, Svedio	11020
34. K-do Eskil Henriksson, Sm. Anneberg	10648
35. K-do C. A. Danielsson, Nygard	
36. K-dino Helmi Dresen, Tallinn, Estonio	4227
37. K-do Samson Kletenik, Rostov Don, USSR	5430
38. K-do Karl Johannsson, Eksjö, Svedio	994
39. K-do Karl Karlsson, Nynäshamn	607
40. K-do Arvid Karlsson, Göteborg	212
41. K-do Boris Stepanov, V. Dolgoje, Orlovs, USSR	7786
42. K-do Karl Holmberg, Göteborg Svedio	7839
43. K-do Arvid Agren, Eskilstuna	4699

44. K-do Sinclair Söderberg, Norra-hammar	7430
45. K-do Anders Pettersson, Göteborg	4694
46. K-do Howard Stay, Bournemouth Anglio	2978
47. K-do Kurt Klaps, Danzig, Libera Stato Danzig	2421
48. K-do Richard Lerchner, Leipzig, Germanio	90
49. K-dino Charlotte Lerchner, Leipzig, Germanio	2465
50. K-do Robert E. Bitzer, München, Germanio	1810
51. K-do Konrad Deubler, München, Germanio	30
52. K-do Erik Büttner, Dresden, Germanio	7176
53. K-do Adolf Ilgner, Lünen, Germ.	7514
54. K-do Mark Starr, London, Anglio	488
55. K-do Willi Qualitz, Henningsdorf, Germanio	5644
56. K-do Aleksander Lebedev, Tver USSR	960
57. K-do Francisko Azorin, Córdoba, Hispanio	3681
58. K-do Ber Perelstein, Moskva, USSR	3940
59. K-do Nils Nordlund, Kristianstad, Svedio	265
60. K-do Carl Mailand, Cassel, Germ.	50
61. K-do L. Glodeau, Paris, Francio	24
62. K-do H. Cachon, Paris, Francio	11
63. K-do B., Paris, Francio	920
64. K-do Peter Klopfeisch, Leipzig, Germanio	1162
65. K-do Max Häckel, Leipzig, Germ.	6419
66. K-do Karl Götze, Altenburg, Germ.	5569
67. K-do Fritz Götze, Altenburg, Germ.	9534
68. K-do Wilhelm Michalski, Berlin, Germanio	7172
69. K-do Willi Reinicke, Dresden, Germ.	5412
70. K-do Johano Bruckner, Pottenstein, Aŭstrio	508
71. K-dino Beatrice France, Handfort, Anglio	125
72. K-do V. Kalašnikov, N.-Novgorod, Sovetio	8800
73. K-do Albert Falkovski, Essen, Germ.	



Ne forjetu Sennaciulon!

Se estus eble, ekscii la lastan restad-ejon de ĉiu eldonita numero de nia asoci-gazeto . . . tiam ofte ni sciigis, ke "S-ulo" kuŝas en iu ajn angulo; aŭ eĉ, ke ĝi "fimortis sen honoro kaj sen utilo" . . . Mi jam ofte vidis kaj spertis jenon: La abonanto ekrigardas la gazeton aŭ legas nur unu artikolon; poste "S-ulo" mal-aperas en malhelan angulon. Gek-doĵ el multaj landoj oferadas tempon, monon kaj spiriton por nia SAT-ideo. *Pro tio estas devo* de abonanto de "S-ulo" legi ĉion, — *traduki* nacilingven artikolojn por unuigoj, al kiu li apartenas, — *varbi* por anoncoj, inter tiaj organizoj, en kiuj ekzistas intereso por ideoj, — *uzi artikolojn* el "S-ulo" dum (paroladoj) inter la proletoj, — *kolektadi* ĉiujn numerojn, por ke ili estu binditaj kiel libro por bibliotekoj.

Ĉiuj Gek-doĵ helpu, ke "S-ulo" estu uzata ĉe ĉiu okazo. Ideo povas kreski nur per flegado de ĝi; la ĝardenisto (SAT-estraro) ne sole povas varti la florojn (SAT kaj ĝiajn organojn) en la ĝardenego. — La helpantoj ankaŭ plenumu siajn devojn! Kaj helpantoj ni ĉiuj estu!

(1851.)

Artaj poŝtkartoj de SAT

Jen kion skribas K-do 10 262:
"Vi ne povas imagi, kian ĝojon faris al mi la ricevitaĵ ilustriataj pk. de nia kara Asocio. Ili montras vere sennaciecan arton. Ili donis al mi multe pli da forto kaj entuziasmon . . . Do, vivu Sennacieco!"

Aĉetu kaj helpu vendi ilin inter la laboristamasoj per tio vi servas al esperanto, Sennaciismo kaj al via Asocio SAT!

Tuta serio (5 kartoj) inkluzive aŭrango nur 0,50 mk. germ.

"SAT", Colmstr. 1, Leipzig O 27 (Germanio).

TRA LA MOVADO

(Kroniko)

Bulgario. En *Sliven* estas komencinta kurso por laboristoj. Ĉ. 30 lernantoj. — **Francio.** En la vegetara restoracio de "Trait d'Union", 73bis rue Bobillot, Parizo 13e, estas speciala tablo kun verda flago por K-doĵ, kiuj povas paroli esp-e. — **Sovetio.** En *Barnaul* funkcias 3 rondetoj. Dum la festo de Oktobra Revolucio flirts esp-aj standardoj kaj aŭdiĝis esp-aj revoluciaj kantoj. En *Novorossijsk* (Kaŭkazo) okazas multaj kursoj. La 15-an de januaro estis la 1. Konferenco de esp-istaj rondetoj. Ĉeestis 24 delegitoj. — **Usono.** En *Nov-Jorko* reorganizigis la laborista grupo "Esperanta Laborularo". Profitante el la antaŭaj spertoj ni decidis jenon: "Ĉiu malnova membro devas resti membro de SAT k. la novaj devas aliĝi al SAT en la daŭro de 6 monatoj. SAT-reguloj estu kiel gvidilo por la nova organizo." La sekvanta oficistaro estis elektita: Organizisto: K-do Hermann Wuttke. Protokol- k. korespond-sekretario K-do George Saville. Financ-sekretario K-do Jack Feuer. Literatur-prizorganto K-do Alfons Pichler. Pres-komitato K-do Herco Orfo (nova SAT-ano) por "Freiheit", "The Daily Worker", "Novij Mir" ktp. K-do Oholeay por mur-gazetoj k. K-do Hermann Wuttke por "New Yorker Volkszeitung".

SAT-anoj!

En viaj korespondadoj al la Administrejo ĉiam citu vian membro-numeron.

MEMORNOTO

Represis el "Sennaciulo":

Juna Teksisto, Ivanovo, 20. 12. 27: Homaj aŭtomatoj. — *Nova Doba*, Plzen, 12. 1. 28. La faŝismo en Meksikio. — *Volksstimme*, Chemnitz, 1. 11. 27: Sukcesplena batalo por la okhora labortago en Hispanio, 23. 11. 27: La libroproduktado en Eŭropo, 14. 12. 27: Laboristaj kondiĉoj en Suda Afriko.

Enhavis priesperantajn artikolojn:

Freie Sport-Woche, Leipzig: 16. 1. 28. — *The Daily Herald*, London: 20. 1. 28. — *The Middlesex County Times*, London, 24. 12. 27.

Enhavis enesperantajn artikolojn:

Munkaskultura, Budapeŝt: Januaro 28, tre aprobinda artikolo de K-do J. Batta: ankoraŭ pri "Festo de la libro". —

NIA POŬTO

6604. — Via traduko estas interesa k. presinda, post necesaj korektoj; kiam estos loko ni certe ĝin publikigos. — Ekzistas nur du semajnaj esp. gazetoj.

Zebu. — Via artikolo estas interesa, sed loko absolute mankas.

7439. — Se estos loko, via artikolo aperos. Estonte bonvolu prizorgi pli larĝajn interliniojn por ebligi korektojn.

Al kelkiuj. — Malgraŭ ripetitaj admonoj, oni daŭrigas sendi al la redakcio fuŝskribitajn manuskriptojn, kio perdigas al ni multe da tempo. Sendube la eminentaj verkintoj opinias, ke estas por ni granda honoro deĉifri k. rekopii iliajn ĉefverkojn! . . . Oni ankaŭ bone notu en la memoron, ke kilometre longaj artikoloj ne estas ŝatataj de la legantoj. Dediĉu iom pli da tempo, iom pli da zorgo al via verkado k. tiel vi atingos koncipecon k. klarecon.

E. L.

Ĉiuj Geesperantistoj, abelkulturistoj k. Gek-doĵ dezirantaj peradi al la inform-servo nepre sendu materialon pri abel-kulturo el sia lando kaj laŭeble liveru la fakrevuojn kun esperanto-tradukaĵoj de la plej gravaj artikoloj al K-do **Mikaelo Lapin, Moskvo (USSR), Sretenko Kolokolnikov 24, kv. 13.**

Ĉiu konstanta informanto ricevados samkondiĉe unu el la fakrevuoj de USSR dum la jaro 1928.

La redakcio de gubernia gazeto

"Brjanska Laboristo"

serĉas Gek-doĵn el Ameriko, Anglio k. Germanio pri problemoj de partilaboro en fabrikoj, pri laboro de labkoroj k. pri murgazetoj en div. entreprenoj.

Adr.: Brjansk, Sovetskaja 25.

Al redakcio de gaz. Brjanskij Raboĉij.



Atentu!

Esperanta rondeto de komencantoj ĉe fervoja laborista klubo dez. koresp. pri ĉ. temoj kĉl. PK, PI, L. Nepran resp. garantias gvidanto B. Jeleznjakov (SAT 5583). Gekamaradoj, ne povantaj konstante koresp., bonvolu sendi kvankam unu salutpoŝtkarton, kiu estos nepre respondita.

Kvankam unu PK la rondeto dez. ricevi el ĉiu loko kie estas lab. geesperantistoj.

Pravu ke ni estas ĉie en la mondo! Korespondadoj estos poste uzitaj por granda ekspozicio. — La adreso estas: USSR, Samara, strato de Leo Tolstoj, 94, jelezno-dorojnij klub. Esperanto-rondeto.

Helpu al nia propagando!

La 8-a Kongreso de la Labor. Esperantista Federacio por la franclingva teritorio okazos la 9-an de aprilo 1928 en Bourges. La tiea grupo aranĝos ekspozicion k. propagandfeston: tiucele tre utilaj estos PI (PM bfl.), L, ĵurnal. kaj cet. esp-aj senditaĵoj de "alilandaj" K-doĵ. Al ĉiu sendinto ni dankos per PI. — Adresu ĉion jene! Labor. Esperantista Grupo, 8, place Malus, Bourges (Cher), Francio.

ENHAVO:

Religia moralo	pĝ. 147—48
El Estonio	148
Indiĝenaj moroj en Angola	149
La polico de Dio	149
Kiel ni festis nian jubileon	150
Tago el mia vivo	150—51
Patriotismo — Internaciismo — Sennaciismo	150—51
Diversaĵoj	151
Por nia Distro	151
Al la Abonantoj de "Sennacieca Revuo"	151
Al la legantoj	151
Sennaciula Sporta Paĝo	152
Tra Esperantio	153—54
Anoncoj	154